



Grad Sarajevo
City of Sarajevo

Bosna i Hercegovina
Federacija Bosne i Hercegovine
Kanton Sarajevo
Grad Sarajevo
GRADSKO VIJEĆE

ODLUKA
o odobravanju kreditnog zaduženja
(prijedlog)

***Predlagač:** Gradonačelnik Grada Sarajeva*
***Obrađivač:** Gradska služba za opću upravu i zajedničke poslove*

Sarajevo, juni 2020. godine

Adresa: Hamdije Kreševljakovića 3
71000 Sarajevo, BiH
Tel: +387 33 216 659
Fax: +387 33 205 874
Email: gsgv@sarajevo.ba
Web: gradskovijece.sarajevo.ba



Na temelju člana 67. Zakona o budžetima Federacije BiH („Službene novine Federacije BiH“, br. 102/13, 9/14,13/14, 18/15, 91/15, 102/15 i 104/16), člana 1., 7. i 21. Zakona o dugu, zaduženju i garancijama u Federaciji Bosne i Hercegovine („Službene novine Federacije BiH“, br. 86/07, 24/09, 45/10 i 30/16) i člana 26. stav 1. tačka 13, a u vezi sa članom 71. Statuta Grada Sarajeva („Službene novine Kantona Sarajevo“, broj 34/08 – prečišćeni tekst), Gradsko vijeće Grada Sarajeva na sjednici od __. __.2020. godine, donosi:

(prijedlog)

ODLUKU **o odobravanju kreditnog zaduženja**

Član 1.

Grad Sarajevo će se zadužiti kreditom kod Razvojne Banke Federacije Bosne i Hercegovine za finansiranje kapitalnih investicija – Izgradnja biciklističke infrastrukture na području Grada Sarajeva, Sanacija zacjvljenog dijela Bistričkog potoka, Projekat objekta ugostiteljskog turističkog sadržaja i vanjskog uređenja lokaciji Čolina kapa, Iluminacija objekata u Gradu Sarajevu, Projekat izrade kanalizacionog sisteme za potrebe gornje stanice žičare, Pjeskarenje kamenih zidova korita Miljacke, Poslovni objekat Vidikovac sa vanjskim uređenjem, Sanacija zacjvljenog dijela Ramića potoka, Rekonstrukcija parka „FIS“, Rekonstrukcija „Muzeja Vijećnice“, Rekonstrukcija i rehabilitacija zgrade željezničke stanice Bistrik u Sarajevu, Projekat sanacije tunela Ciglane, Idejni projekat uređenja platoa Kasarne Jajce, Rekonstrukcija objekta Vječna vatra i Projekat zatvaranje terase bazena Otoka, u iznosu od 10.000.000,00 KM u formi novčanog kredita, pri čemu godišnji iznos servisiranja duga ne može preći 10% prihoda ostvarenih u prethodnoj fiskalnoj godini pod sljedećim uslovima:

- Iznos kredita: 10.000.000,00 KM
- Rok otplate: 144 mjeseca
- Grejs period: 12 mjeseci
- Kamatna stopa: 2,5%
- Otplata kredita: mjesečna

Član 2.

Svrha kreditnog zaduženja je realizacija kapitalnih projekata od značaja za grad Sarajevo, čija otplata će se vršiti iz budžeta Grada Sarajeva, te će sredstva potrebna za otplatu kredita biti planirana u budžetu Grada Sarajeva, u svim godinama otplate.

Član 3.

Grad Sarajevo se obavezuje da će obaveze po kreditu biti rangirane kao prioritetne u odnosu na sve ostale obaveze iz gradskog budžeta u narednim godinama, a Gradsko vijeće će biti pravovremeno informisano o kreditnom zaduženju.

Instrument osiguranja naplate kredita će biti mjenice planirane kao budžetski izdatak u periodu trajanja kreditne obaveze.

Član 4.

Ovlašćuje se Gradonačelnik da kao instrumente osiguranja kredita prema ovoj Odluci izda i potpiše bjanko ovjerene mjenice sa pripadajućim mjeničnim izjavama, da potpiše ugovor o kreditnom zaduženju sa Razvojnou bankom Federacije Bosne i Hercegovine, kao i ostala potrebna dokumenta vezana za realizaciju predmetnog zaduženja.

Član 5.

Za realizaciju ove odluke zadužuje se Gradonačelnik i Gradska služba finansija.

Član 6.

Ova odluka stupa na snagu danom donošenja, a objavit će se u „Službenim novinama Kantona Sarajevo“

PREDSJEDAVAJUĆI GRADSKOG VIJEĆA

GRADA SARAJEVA

Igor dr. Gavrić

Broj:

Sarajevo, __. __. 2020. godina

PRAVNI OSNOV

Pravni osnov za donošenje Odluke sadržan je u članu 26. stav 1. tačka 13., Statuta Grada Sarajeva („Službene novine Kantona Sarajevo“, broj 34/08 – prečišćeni tekst) kojim je propisana nadležnost Gradskog vijeća da raspisuje javni zajam, i samodoprinos i odlučuje o zaduživanju Grada Sarajeva, te članu 71. Statuta Grada Sarajeva („Službene novine Kantona Sarajevo“, broj 34/08 – prečišćeni tekst) kojim je propisano da Grad Sarajevo samostalno raspolaže prihodima koji mu pripadaju i može se zaduživati i zaključivati ugovore o kreditu, o čemu odlučuje Gradsko vijeće, u skladu sa Zakonom. Članom 67. Zakona o budžetima Federacije BiH („Službene novine Federacije BiH“, br. 102/13, 9/14, 13/14, 18/15, 91/15, 102/15 i 104/16) predviđena je mogućnost kreditnog zaduženja grada, u skladu sa propisima koji uređuju dug, zaduženja i jamstva, a što je regulisano članovima 1., 7. i 21. Zakona o dugu, zaduženju i garancijama u Federaciji Bosne i Hercegovine („Službene novine Federacije BiH“, br. 86/07, 24/09, 45/10 i 30/16) kojima je, između ostalog propisano, tko se može zadužiti, pod kojim uslovima, za koju namjenu i koji organ donosi odluku o zaduženju.

RAZLOZI DONOŠENJA

Razlozi za donošenje ove odluke sadržani su u činjenici da je Gradsko vijeće Grada Sarajeva u mjesecu decembru osvojilo Budžet Grada Sarajeva za 2020. godinu, koji je u mnogome razvojni. Međutim, zbog nastupanja ekonomske krize uzrokovane pojavom pandemije COVID-19, došlo je do pada prihoda u Budžet Grada Sarajeva za cca 3.000.000,00 KM.

Obzirom da je Grad Sarajevo započeo niz projekata i zaključeni su ugovori o realizaciji istih sa izabranim ponuđačima, stvorena je obaveza za njihovu daljnju realizaciju i plaćanje do sada urađenog, što je umnogome otežano zbog priliva sredstava u Budžet Grada Sarajeva.

Sa tim u vezi, Grad Sarajevo se obratio Razvojnoj banci FBiH, za iznalaženje mogućnosti kreditnog zaduženja, po povoljnim uslovima.

Grad Sarajevo je za realizaciju kapitalnih projekata od značaja za grad Sarajevo u iznosu od 10.000.000,00 KM predložio odluku o odobravanju kreditnog zaduženja obzirom da Gradsko vijeće odlučuje o zaduživanju Grada Sarajeva.

Shodno izloženom, Gradsko vijeće Grada Sarajeva, donijelo je ovu odluku.